



Author: R. K. Bhat

Reviewer	Review Date	Status
Vishal Kachroo	2024-09-19	In progress ▾
		Not started ▾
		Not started ▾
		Not started ▾

अफसानु: आवरेर

रूप कृष्ण भट

बु ओसुस वारयाह वखतु प्यठु हुशियार, बॅल्य ओरु योर बिसतरस मंज़ लरि फिरुन्य दिवान। आथवार आसनु म्वखु ओस नु अज़ अलारम बजोमुत। बु छुस आथवारि द्वह

अलारम बंद थवान, मगर तोति गोस बु अँथ्य वखतस
हुशियार यथ बु बाक्य ददवहन हुशयार गँछिथ सॉरस छुस
गछान याने सुबहनस पांचि बजि। हालांकि अज़ ति ओसुस
बु लग बग तमी विज़ि हुशयार गोमुत मगर बिसतर त्रोवुम नु
केंह। म्यानि शदवंगन कुठिच दार छे मशरिकस कुन। परदु
मँज्य ओस गाश यूत तेज़ जि कमरु ओस गाह त्रावान।
श्रुगंथुय लोम मे परदु लोंचि पानस कुन तु पतु फिरुम दँछुन
कुन। यान्य परदु ओक ओंद कुन वटनु आव शीशि मँज्य
प्यव सिरियुक तेज़ गाश सेदि स्योद लबि प्यठ। अथ प्यठ
बन्योव पूरु दारि हुंद आकार। ददवह ओस योर वोतमुत, मे
पेयि मोज याद। स्व स्वरगु वास्यन्य ऑस तापस अलारमुच
काँम हेवान। यान्य ब्रांदस प्यठ ताफ वाति हे वनान ऑस
वुनि छिवा शोंग्यथुय वँथिव ऑठ बजेयि। यान्य डून्य
कुलिस तल ताफ वातिहे दपान ऑस ददवह वोत

दुपहॉर,पॅकिव बतु खेयिव। तु येलि बरनि
पे<]p³ççÆccç> अंदु ताफ वाति हे वनान ऑस दोह छु
लोसनस तयार गॅछिव बागस हेयिव रावुट।

हाय क्या गव वखतस मे त्रोव जूयठ व्वशा, येति बु
अज़ कल छुस,नॅ छु ब्राँदुय ,नॅ डून्य कुलुय, नॅ बरन्य तु नॅ
आंगुन। नॅ काँसि हुंद शर तु नॅ शोर, नॅ क्रख नॅ चिख। दँहन
पोरन हुन्दिस यथ टावरस मंज़ लगबग पंचाह गरु ऑसिथ
ति छे येति ज़नतु मोतुन्य छवपु। हतु वददयन लूकन मंज़
ति पनुन पान कुन तु केवल। माजि हुंदि खॉतरु गयाव सुय
अवलाद युस हर हमेशि अँछन तल रोज़ि तु वखति ज़रूरत
आमा सुंद लोरि कुटुन बँनिथ रोज़ि, वखति ऑखरस शांदस
निश कलु दिथ रोज़ि तु ज़िन्दगी हुंदिस ऑशरी सफरस मंज़
पचि नख दियि तु चेंतायि दियि लुशा।तमि पतुक्य
लवाँज्यमात ति ऑस्य वारयाह मगर माँज ऑस वनान मे

खसु खँदमत करुन्य छेय स्व कँरदयज्यम जिंदुसय। मँरिथ
त्राँव्यजि नु म्यानि नावु बतु प्येंड तु पलव पदवशाख। नँ
ददँरयजि फाकु तु नँ हाँव्यजि श्राद। जिंदस दिहम नँ त्रेशि
गोल तु मँरिथ करहम बतु म्येचन टैक्य।

अथ मामलस मंज आँस मोज तरकी पसंद तु
इंकलॉब्ब्य मगर अफसूस मे हयोक नँ जिंदगी मंजुय तस
स्वख दिथ तु नँ मँरिथ। तसुंजि जिंदगी मंजुय दूरयोस बु
तस निश। अमि दूररिरुक नँ ओसुस बुय जिमुवार तु नँ स्व।
शायद आँस्य हालात जिमुवार। एम-ए कँरिथ येलि नँ मे
कँशीरि मंज नोकरीय मीज बु गोस मजबूर नेबर नोकरी
करनस। स्व ति प्रवेट सेक्टरस मंज। कारपोरेट वॉल्य मा
छि मुलॉजिम लागान। तिम छि तलबु मँहनिव्य थवान, यिम
यिमन द्वह राथ पलजन। लेहाजा छु गरुबार त्राँविथ सिर्फ तु
सिर्फ नोकर आसनुक एहसास दिल-ओ-देमागस प्यठ

गॉलिब रोज़ान। तनखाह पाँसु अलावु छि वॅरदयकिस
ऑखरस प्यठ तलबु बदलु बोनसकिस सूरतस मंज़ केंह
टांक्य दिवान। लयहाज़ा छु पनुनि हिसाबु व्यथनुक बेहनुक
कमुय पहान दसगाह रोज़ान। येमि लरि कंपनी वनि तमि
लरि छु फेरुन पेवान। छुटी हुंद छुनु सवालुय।

अमि पतु गोस बु नोकरी मंज़ त्यूत आवुर जि पनुनि
वोजूदुक हेस ताम ति रूदुम नु। मे ओस येमि कथि हुंद
एहसास जि म्योन आवरेर रोज़ि तोत ताम बदस्तूर योतताम
मे काँम करनुच त्वछ बरकरार रोज़ि। येमि ददवहु यि खतुम
गछि बु रोज़ु नँ पतु कारपोरेटस लायख तु नँ बेयि काँसि
लायख।

अकि फिरि येलि मोज बेमार ऑस, बु गोस छुटी प्यठ
गरु। मसा मसा म्यूल अँकिस हफतस रदवखसथ। पतु
येलि नु बु त्रेन हफतस ताम वापस वाँतिथ हयोकुस, मे वाँच

गरय नोटिस जि वापस कंपनी मंज यिनुक तकलीफ गछि
न करुन। चोन तलब छु मनसूख करनु आमुत। अदु बु क्या
करु हा। मे हयोक नु चिह ति कॅरिथ बराबर लॅगिम शे रैथ
नवि सरु नोकरी छांडनस।

तमि पतु येलि ति बु माजि निश गोस मसा मसा
ओसुस अँकिस हफतस रोजान। स्व आँस नँ चोकु मंजय
नेरान। कम कम जियाफँच आँस म्यानि खाँतरु बनावान।
अकाँय कथा आँस बार बार दवहरावान। दपान आँस व्वन्य
करुखा पतु बुडिथ खांदर। बस अकोय अमारु छुम मरनु ब्रॉह
वुछुहा चानि महारनि बुथ। अदु मरुहा शिहिज। मगर बु
ओसुस टाल मटोल करान। कुनि नतु कुनि बहानु कथ
फिरान। सोँचान ओसुस प्रॉन्य रिशतु छुस नु निबाँविथ
हैकान तु नँव्य क्या बनावु। ति कॅरिथ क्या गारंटी छे जि स्व
रोजि मे निश। तस ति आसन पनुन्य अमारु तु खाब। यि छा

प्रोन ज़मानु जि ज़नान थवुहोन टिकलिस गंडिथ। नँ नँ बु
छुस कुनुय ठीक। कँचि फिरि वन्यामस येति क्या छख कुनी
जँन्य करान। पख मे सुत्य यिकुवटु रोज़व। मे छे चॉन्य सख
परेशॉनी रोज़ान। तोरु ऑस कुनुय जवाब दिवान। नँ बा नँ बु
हेकु नु पनुन पीठ त्राँविथ। यि ऑंद पोख,अंग ऑशनाव,
हमसाय। येतिकिस अँकिस अँकिस चीज़स सुत्य छु मे
यीत्यन वँरदयन हुंद लगाव। ति कँरिथ थवा बु गरु संदया
चांगि तु सँन्यवारि वरॉयी। पितरयन तु प्यतरन क्या जवाब
दिमु। तसुंद यि सोंच ओस वरायाह हदस ताम पज़र। तस
ओस तति ख्वरन तल ज़मीन ति पनुनुय तु कलस प्यठ
आसमाज ति पनुनुय बासान। बु ओसुस नँ येछान स्व
ज़बरदँस्ती तमि माहोलु मंज़ु कँडिथ यथ सीमटु कुठिस मंज़
काँद करुन्य।

माजि गॉयि व्वन्य वॅरी तारु येमि आलमु गॉमतिस, बु
हयोकुस नॅ मॉरिथ ति तस पलज़िथ। तसुंदि अचानक
स्वर्गवास सपदनु पतु वोतुस बु दोयमि द्ववहु गरु। मगर
हमसायव तु ऑशनावव ओस तस दाह दयुतमुत। दोपुख
असि दोप खबर चु हेकुखा अज़ ति यिथ? म्वरदु ज़्यादस
कालस प्रारनावुन छु पाफ। तसुंदिस रुहस छु अज़ाब
वातान। खबर माजि हुंदिस रुहस म्यूलाह सकून ति हेकु नु
वॅनिथ मगर म्यॉनिस जॅमीरस लोग नेज़ु युस मे ऑखरी
दमस ताम माजि हुंद ग्वनाहगार आसनुक एहसास दिवान
रोज़ि।

दरवाज़ुचि गंटी हुंदि ट्रनि ट्रनि सुत्य डोल म्योन
ददयान। शायद आसि अखबारु वोल। यि ति ओस
आथवारि ददवह च्चीरदय पहान अखबार त्रावान। मे त्राव
रज़ॉय ओक ऑंद, थोद वोथुस तु त्रोवुम बर येलु। अखबार

तुलुम अथस क्यथ, दरवाज़ कौरुम बंद, तु हयोतुम अखबार
परुन।

